

Gi mer op d'Gericht?

Léiw Memberen,

Mat der neier Regierung hu mir am Enseignement och en neien Unterrichtsminister kritt. De Landesverband hat den 17. Januar 2014 eng éischt Entrevue mam Här Claude Meisch a mat sengem Staatssekretär, dem Här André Bauler.

An der Entrevue goufen 5 Punkten diskutéiert.

1. Altersdécharge

Wann de Minister och eis Uleies versteet - gläich Aarbecht, gläich Rechter - huet hien eiser Fuerderung eng kloer Ofso erdeelt. Do misste Poste geschafe ginn an déi sinn net virgesi bei deene Posten, déi am éffentlechen Déngscht 2014 solle geschafe ginn. Och eise Kompromissvorschlag konnt hien net iwwerzeegen, et wieren keng Suen do!

vläit mussen mir de juristesche Wee aschloe fir eis Altersdécharge anzekloen. Allerdings muss dat nach vun der Gewerkschaft énnersicht ginn, ob dat iwwerhaupt e Wert huet.

2. Werteunterricht

Eis Delegatioun huet den Här Meisch drop opmierksam gemaach, datt d'Decisioun de Reliouns- a Moralunterricht ofzeschaffen an e Werteunterricht anzeféieren, Repercussiounen op

d'Chargés de cours wäert hunn. Hie war sech deeës net bewosst, awer wëll eise Bedenke Rechnung droen.

3. Zweete Bildungswee

Den neie Minister wëll eise Vorschlag ënnerstëtzen, fir de Chargés de cours ze erméiglechen de Schoulmeeschterbrevet iwwert den 2. Bildungswee ze kréien, woubäi d'aquis professionnels solle berücksichtegt ginn. Dest ass jo net onwichtig, haaptsächlech fir di „manner al“ Chargéen ënnert ons. De Landesverband besteet awer drop, datt déi Formatioun esou muss ugebuede ginn, datt d'Chargéen och d'Méiglechkeet hunn, viru schaffen ze goen, well der jo vill op d'Suen ugewise sinn. An dem Kontext wäerte mir dann och ons konkret Virstellunge präsentéieren.





Sektioun Enseignement, 06. Februar 2014

4. D'Reform vun 2009

D'Gewerkschaft huet den Här Meisch drop opmierksam gemaach, datt verschidde Punkte vun der Reform musse verbessert ginn:

- **De Contingent**

De Contingent muss iwwerduecht ginn, well doduerch onnéideg Fluktuationen am Schoulbetrieb entstinn, déi als éischt d'Chargéen treffen. De Minister wëll no enger Léisung sichen.

- **De Comité d'école**

De Landesverband fuerdert, datt d'Chargés de cours och am Comité d'école vertruueden sinn, fir hier Intérêten ze verrieden. De Minister konnt eis do keng kloer Äntwert ginn.

- **Nei Bilanen**

Den Här Meisch huet sech averstan erkläert, datt eis Gewerkschaft beim Ausschaffe vun neie Bilanen bedeelegt gëtt.

5. Affektatiounsprozedur 14/15

Am Juli 2013 gouf eng Gesetzesännerung gestëmmt, déi virgesäit, dass de Chargéen fir een oder méi Joër un en Arrondissement oder e Bureau régional affektéiert ka ginn. Duerch dës Gesetzesännerung muss en neie Règlement grand-ducal, deen d'Affektatiounsprozedur reegelt, geschriwwe ginn. De Landesverband hält dropp, datt an Zukunft eis Dingschtjoren an net méi de physeschen Alter berücksichtegt gi bei der Opstellung vun engem Ranking. Och dierfen déi Termen „Continuitéit“ a „Stabilitéit“ keng eidel Wieder méi bleiwen. De MEN muss probéieren den Hin an Hier bei de Chargéen sou geréng wéi méiglech ze halen.

Och wann d'Beamten aus dem Ministère sech vill Méi ginn hu fir eis sou wäit entgéintzekommen, wéi d'Gesetz et erlaabt, musse mir awer feststellen, dat dem Chargé mat deser neier Prozedur net vill gehollef ass. Leider gëtt och hei de Problem net geléist, dat praktesch all Chargé nach net wees wou en dat nächst Schouljoer konkret drunn ass, wann d'Virbereedungen (Opdeelung vun den Zyklen, de Schüler an de Klassen esou wéi d'Ausschaffe vun de Stonnepläng) fir dat nächst Schouljoer uginn an esou bäi dësen de facto ausgeschloss ass. Hei stelle mir déi berechtigt Fro: **Virwat hun déi Schüler, déi en Chargé als Enseignant hunn, keen Recht op Kontinuitéit, wann déi dann soll esou wichteg sin?** Fir hei Fortschrëtter ze errechen brauche mir eng Ännerung vum Schoulgesetz wat et erlabt dem Chargé no enger gewëssen Déngschtzäit och definitiv un eng Gemeng affektéiert ze ginn.

19.3.: Generalversammlung

Fir weider Froen, konkret Virschléi oder wann der aktiv wëllt matschaffe bei ons, schreiw eng Mail un p.hansen@landesverband.lu oder rufft un um Telefon 48 70 44 26.

Reservéiert lech elo schonn den 19. März 2014 fir d'**Generalversammlung** vun der Sektioun Enseignement vum Landesverband. Dir kritt nach eng separat Invitatioun.

Déijéineg, déi hier **Mailadress** nach nët um Sekretariat beim Pascal Hansen matgedeelt hunn, sollen dat esou séier wéi méiglech nohuelen. Dest erlabt ons iech méi séier ze errechen a fir e besseren Informationsfluss ze suergen an awer och vill Aarbecht (kopéieren an apaken) ze spueren. Niewebäi spuer mir och Käschten. Dofir welle mir an Zukunft d'Informatiounen nach just iwwer Mail matdeelen.

Zesumme staark!